

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 2677 del 19/09/2023**

**Traduzione in cimbro**

## **"Euregio Kontzèrt", in Auditorium vo Tria von djungen musitzìstn von drai lendar**

**'Z iztase gehaltet in tages spet an sunta 17 von herbestmånat in auditorium S.Chiara vo Tria dar kontzèrt von musik schualn von Euregio boda iz khent augenump gántz garècht von laüt boda soin gánt zo lüsna, 'z hámda gefift djunge musitzìstn vo alln drai in lendar. 'Z hatta ågeheft di Bånda von Djungen Musìk Schual vo Poatzan augelekk dòpo dar esperientz von Music Camp 2022, disa bånda iz gemacht vo djunge boda gian von 12 afte 17 djar un dena di musike von viar djunge saxofonistn JuNoMoDa4, vodar Musikschule Überetsch Mittleres Etschtal, augelekk 'z djar 2021 in di musik schual Unterland, boda nimp toal atz ettlane konkorse, kontzèrtn un macht ettlane musik video. Darnå hatta gefift dar Gesangsstudio Do-RE-MI vodar Landesmusikschule Telfs, boda lirnen zo faiva, zo singa, zo lega in schèna opere, stükh musik un schuaspiln djunge von 5 sin afte 15 djar un no spetar dar khnopf von vünf fisarmònik von Accordions Ensemble vodar musik schual von Primiero. 'Z hatta gemacht verte in kontzèrt da djungliche Streichokestra von Euregio, gemacht vo 30 schüalar un schüalaren von musik schualn von Trentino, Südtiról un Tiról, boda hám zbisnen in 11 un in 15 djar.**

**In kontzèrt hatta genump toal da djeneràl sekretardja von Euregio Elisa Bertò, disar kontzèrt iz sichar gest a bichtegar stèpfl von projèkt zo lirna in djungen von drai lendar in grunt vodar musik**

Pinn djüst gaist z'arbata übar di konfin, dar Euregio lekk au mearare initziativan abezolirna di djungen afte musik, åhevante von 6 djar un gianante sin afte 18, dise initziativan soin a hauppunkt zo macha khennen di musik in anialglana kamòuschaft. Vor daz sèll in vorgånnate månat von prachant, ka Tria in an tagung, soinda khent gezoaget di sistéme bia ma mage abelirnen di djungen afte musik, 'z hånda genump toal di bichtegarstn espèrte von musik schualn von drai lendar von Euregio – musik dirèktör, preside un profesör un dirèktör von musik hoachschualn. Asó izta auvarkhent ke in da autonome Provintz vo Tria, in da sèll vo Poatzan un in Tiról lirntma musik in gántz åndre mode. Di Provintz vo Tria, balsipil, haltert au starch di didaktik von 13 privàtt schualn nà zèrte regln: di schüalar boda gian in dise schualn soin mearar baz 5.000. In Südtiról, anvétze, di musik formatziong iz augehaltet garade vodar Provintz sèlbart, in Tiról iz no gántz åndarst. 'Z zil von tagung iz gest dar sèll zo konfrontàra dise sistème un bia lirnt o. In da sèll okasiong o di djungen musitzìstn von Euregio hám gezoaget bia bravat da soin, faivante alle pittnåndar auzzalt in Dånte Platz.

**Foto von Euregio. Pildar von Prèss Åmt vodar Provintz**

**Download un pildar da: [bit.ly/48hUYX2](https://bit.ly/48hUYX2)**

**<https://www.youtube.com/watch?v=IQOzYGcLW3E&t=3s>**

**Übarsetzt von Schaltarle vor di zung von Toalkamou vodar Zimbar Hoachebene**

(cdt)